

主編
副主編

董治安
劉曉東

王承略

兩漢全書

第四冊

唐子恒
劉曉東
李吉東
整理

山東大學出版社

圖書在版編目(CIP)數據

兩漢全書．第五冊／董治安主編．—濟南：山東大學出版社，2009.12

ISBN 978-7-5607-4022-5

I．兩… II．董… III．古籍—彙編—中國—漢代 IV．Z423.4

中國版本圖書館 CIP 數據核字(2010)第 002985 號

責任編輯 林開甲 馬 新 馬銀川

美術編輯 牛 鈞

山東大學出版社出版發行

(山東省濟南市山大南路 27 號 郵政編碼：250100)

山東省新華書店經銷

山東新華印刷廠德州廠印刷

880×1230 毫米 1/32 671.125 印張 13010 千字

2009 年 12 月第 1 版 2009 年 12 月第 1 次印刷

定價：(全三十六冊)7200.00 圓

版權所有，盜印必究

凡購本書，如有缺頁、倒頁、脫頁，由本社發行部負責調換

第五冊目錄

司馬遷上	二二三七	秦始皇本紀第六	二三九五
史記	二二三八	史記卷七	二四二二
史記卷一	二二三九	項羽本紀第七	二四二二
五帝本紀第一	二二三九	史記卷八	二四四一
史記卷二	二三四六	高祖本紀第八	二四四一
夏本紀第二	二三四六	史記卷九	二四六一
史記卷三	二三五四	呂后本紀第九	二四六一
殷本紀第三	二三五四	史記卷十	二四七〇
史記卷四	二三六〇	孝文本紀第十	二四七〇
周本紀第四	二三六〇	史記卷十一	二四八二
史記卷五	二三七七	孝景本紀第十一	二四八二
秦本紀第五	二三七七	史記卷十二	二四八五
史記卷六	二三九五	孝武本紀第十二	二四八五
		史記卷十三	二四九九

三代世表第一	二四九九	建元已來王子侯者年表第九	二八四六
史記卷十四	二五一五	史記卷二十二	二八八〇
十二諸侯年表第二	二五一五	漢興以來將相名臣年表第十	二八八〇
史記卷十五	二六一六	史記卷二十三	二九一六
六國表第三	二六一六	禮書第一	二九一六
史記卷十六	二六六六	史記卷二十四	二九二一
秦楚之際月表第四	二六六六	樂書第二	二九二一
史記卷十七	二六八六	史記卷二十五	二九三六
漢興以來諸侯年表第五	二六八六	律書第三	二九三六
史記卷十八	二七一九	史記卷二十六	二九四三
高祖功臣侯年表第六	二七一九	曆書第四	二九四三
史記卷十九	二七八六	史記卷二十七	二九五五
惠景間侯者年表第七	二七八六	天官書第五	二九五五
史記卷二十	二八一八	史記卷二十八	二九七六
建元以來侯者年表第八	二八一八	封禪書第六	二九七六
史記卷二十一	二八四六	史記卷二十九	三〇〇一

河渠書第七·····	三〇〇一
史記卷三十·····	三〇〇五
平準書第八·····	三〇〇五
史記卷三十一·····	三〇一七
吳大伯世家第一·····	三〇一七
史記卷三十二·····	三〇二六
齊太公世家第二·····	三〇二六
史記卷三十三·····	三〇四一
魯周公世家第三·····	三〇四一
史記卷三十四·····	三〇五五
燕召公世家第四·····	三〇五五

史記卷三十五·····	三〇六一
管蔡世家第五·····	三〇六一
史記卷三十六·····	三〇六六
陳杞世家第六·····	三〇六六
史記卷三十七·····	三〇七二
衛康叔世家第七·····	三〇七二
史記卷三十八·····	三〇八〇
宋微子世家第八·····	三〇八〇
史記卷三十九·····	三〇八九
晉世家第九·····	三〇八九

司馬遷上

司馬遷，字子長，左馮翊夏陽（今陝西韓城）人。其生年，據王國維依《史記·太史公自序》正義推算，爲景帝中元五年，即公元前一四五年（參見《太史公行年考》），多爲學界採用；又據郭沫若依《史記·太史公自序》索隱引《博物志》推斷，爲武帝建元六年，即公元前一三五年，可備一說。其卒年，大致在武帝末至昭帝初數年之間。十歲能誦古文，二十歲起漫遊天下。南臨江淮，北涉汶泗，請業齊魯之都，過梁、楚以歸。後仕爲郎中，奉使西征巴蜀以南，略邛、笮、昆明。元封元年（前一〇）父司馬談病逝，臨終囑以「勿忘吾所欲論著」。元封三年襲父職，爲太史令，乃承父遺志，論次史事。太初元年（前一〇四）參預改定《太初曆》。天漢二年（前九九），因就李陵降匈奴事代爲辯白，觸怒武帝，被下獄，處以宮刑。出獄後爲中書令，發憤繼續著書。征和二年（前九一），有《報任安書》之作。去世前完成《太史公書》一百三十篇，凡五十餘萬言。事迹主要見《史記·太史公自序》、《漢書·司馬遷傳》等。

《漢書·藝文志》著錄「司馬遷賦八篇」，今只存《悲士不遇賦》一篇。《漢書》本傳與《文選》收司馬遷文《報任安書》一篇。《高士傳》載司馬遷《與摯峻書》一通。又自南朝梁始，簿錄家著錄司馬遷撰《素王妙論》二卷，羣書稍有徵引，清人有輯本。

史記

原名《太史公書》。《史記》之名，出於魏晉之際，《隋書·經籍志》在史部設正史類，以《史記》居首，後世遂沿襲不改。其記事，上自黃帝，下迄武帝太初、天漢間，是一部以紀傳體爲主的通史。全書包括十二本紀、十表、八書、三十世家、七十列傳，共一百三十篇。司馬遷卒後其書稍出。宣帝時，遷外孫楊惲始傳其書，宣布於世。流傳未久即「十篇缺，有錄無書」。今本《孝景本紀》、《孝武本紀》、《漢興以來將相名臣年表》、《禮書》、《樂書》、《律書》、《三王世家》、《傳新蒯成列傳》、《日者列傳》、《龜策列傳》十篇當爲元成及王莽時人所增補（參見余嘉錫《太史公書亡篇考》）；又《秦始皇本紀》、《三王世家》、《建元以來侯者年表》、《曆書》、《陳涉世家》、《外戚列傳》、《楚元王世家》、《齊悼惠王世家》、《梁孝王世家》、《田叔世家》、《匈奴列傳》、《滑稽列傳》亦頗有褚少孫等的附益（參見上書）。

《史記》版刻甚多，今存宋、元、明刻善本，無慮數十種。其通行本主要有三：一是清乾隆間武英殿刻本，一是《百衲本二十四史》影改南宋黃善夫刻本，一是中華書局點校排印金陵書局刻本。茲以南宋紹興杭州刻《史記集解》爲底本，只取正文，不收集解，而參校以殿本、金陵書局本等。

史記卷一

五帝本紀第一

黃帝者，少典之子，姓公孫，名曰軒轅。生而神靈，弱而能言，幼而徇齊，長而敦敏，成而聰明。軒轅之時，神農氏世衰。諸侯相侵伐，暴虐百姓，而神農氏弗能征。於是軒轅乃習用干戈，目征不享，諸侯咸來賓從。而蚩尤最爲暴，莫能伐。炎帝欲侵陵諸侯，諸侯咸歸軒轅。軒轅乃修德振兵，治五氣，藝五種，撫萬民，度四方，教熊羆貔貅羆虎，以與炎帝戰於阪泉之野，三戰然後得其志。蚩尤作亂，不用帝命。於是黃帝乃徵師諸侯，與蚩尤戰於涿鹿之野，遂禽殺蚩尤。而諸侯咸尊軒轅爲天子，代神農氏，是爲黃帝。天下有不順者，黃帝從而征之，平者去之，披山通道，未嘗寧居。東至于海，登丸山，及岱宗。西至于空桐，登雞頭。南至于江，登熊湘。北逐葷粥，合符釜山，而邑于涿鹿之阿。遷徙往來無常處，以師兵爲營衛。官名皆以雲命，爲雲師。置左右大監，監于萬國。萬國和，而鬼神山川封禪與爲多焉。獲寶鼎，迎日推策。舉風后、力牧、常先、大鴻以治民。順天地之紀，幽明之占，死生之說，存亡之難。時播百穀草木，淳化鳥獸蟲蛾，旁羅日月星辰水波土石金玉，勞勩心力耳目，節用水火材物。有土德之瑞，故號黃帝。黃帝二十五子，其得姓者十四人。黃帝居軒

轅之丘，而娶於西陵之女，是爲嫫祖。嫫祖爲黃帝正妃，生二子，其後皆有天下。其一曰玄囂，是爲青陽，青陽降居江水；其二曰昌意，降居若水。昌意娶蜀山氏女，曰昌僕，生高陽，高陽有聖惠焉。黃帝崩，葬橋山。其孫昌意之子高陽立，是爲帝顓頊也。

帝顓頊高陽者，黃帝之孫，而昌意之子也。靜淵以有謀，疏通而知事，養材以任地，載時以象天，依鬼神以制義，治氣以教化，絜誠以祭祀。北至于幽陵，南至于交趾，西至于流沙，東至于蟠木。動靜之物，大小之神，日月所照，莫不砥屬。帝顓頊生子曰窮蟬。顓頊崩，而玄囂之孫高辛立，是爲帝嚳。

帝嚳高辛者，黃帝之曾孫也。高辛父曰蟠極，蟠極父曰玄囂，玄囂父曰黃帝。自玄囂與蟠極皆不得在位，至高辛即帝位。高辛於顓頊爲族子。高辛生而神靈，自言其名。普施利物，不於其身。聰以知遠，明以察微。順天之義，知民之急。仁而威，惠而信，脩身而天下服。取地之財而節用之，撫教萬民而利誨之，曆日月而迎送之，明鬼神而敬事之。其色郁郁，其德嶷嶷。其動也時，其服也土。帝嚳溉執中而徧天下，日月所照，風雨所至，莫不從服。帝嚳娶陳鋒氏女，生放勛。娶嫫訾氏女，生摯。帝嚳崩，而摯代立。帝摯立，不善，崩，而弟放勛立，是爲帝堯。

堯者，放勛。其仁如天，其知如神。就之如日，望之如雲。富而不驕，貴而不舒。黃收純衣，彤車乘白馬，能明馴德，以親九族。九族旣睦，便章百姓。百姓昭明，合和萬國。乃

命羲、和，敬順昊天，數法日月星辰，敬授民時。分命羲、仲，居郁夷，曰暘谷。敬道日出，便程東作。日中，星鳥，以殷仲春。其民析，鳥獸字微。申命羲叔，居南交。便程南譌敬致。日永，星火，以正中夏。其民因，鳥獸希革。申命和仲，居西土，曰昧谷。敬道日入，便程西成。夜中，星虛，以正中秋。其民夷易，鳥獸毛毳。申命和叔，居北方，曰幽都。便在伏物。日短，星昴，以正中冬。其民燠，鳥獸氄毛。歲三百六十六日，以閏月正四時。信飭百官，衆功皆興。堯曰：「誰可順此事？」放齊曰：「嗣子丹朱開明。」堯曰：「吁！頑凶，不用。」堯又曰：「誰可者？」灌兜曰：「共工旁聚布功，可用。」堯曰：「共工善言，其用僻，似恭漫天，不可。」堯又曰：「嗟，四嶽，湯湯洪水滔天，浩浩懷山襄陵，下民其憂，有能使治者？」皆曰鯀可。堯曰：「鯀負命毀族，不可。」嶽曰：「昇哉，試不可用而已。」堯於是聽嶽用鯀。九歲，功用不成。堯曰：「嗟，四嶽，朕在位七十載，汝能庸命，踐朕位？」嶽應曰：「鄙惠忝帝位。」堯曰：「悉舉貴戚及疏遠隱匿者。」衆皆言於堯曰：「有矜在民間，曰虞舜。」堯曰：「然，朕聞之，其何如？」嶽曰：「盲者子。父頑，母嚚，弟傲，能和以孝，烝烝治，不至姦。」堯曰：「吾其試哉。」於是堯妻之二女，觀其惠於二女。舜飭下二女於媯汭，如婦禮。堯善之，乃使舜慎和五典，五典能從。乃徧入百官，百官時序。賔於四門，四門穆穆，諸侯遠方賔客皆敬。堯使舜入山林川澤，暴風雷雨，舜行不迷。堯以爲聖，召舜曰：「女謀事至而言可績，三年矣。女登帝位。」舜讓於德不慳。正月上日，舜受終

於文祖。文祖者，堯大祖也。於是帝堯老，命舜攝行天子之政，以觀天命。舜乃在璿璣玉衡，以齊七政。遂類於上帝，禋于六宗，望於山川，辯於羣神。揖五瑞，擇吉日，見四嶽諸牧，班瑞。歲二月，東巡狩，至於岱宗，柴，望秩於山川，遂見東方君長，合時月正日，同律度量衡，脩五禮五玉三帛，二生一死爲摯，如五器，卒乃復。五月南巡狩，八月西巡狩，十一月北巡狩，皆如初。歸，至于祖禰廟，用特牛禮。五歲一巡狩，群后四朝。徧告以言，明試以功，車服以庸。肇十有二州，決川。象以典刑，流宥五刑，鞭作官刑，扑作教刑，金作贖刑。眚裁過，赦。怙終賊，刑。欽哉，欽哉，惟刑之靜哉。讜兜進言共工，堯曰不可而試之工師，共工果淫辟。四嶽舉鯀治鴻水，堯以爲不可，嶽強請試之，試之而無功，故百姓不便。三苗在江淮、荊州，數爲亂。於是舜歸而言於帝，請流共工於幽陵以變北狄，放讜兜於崇山以變南蠻，遷三苗於三危以變西戎，殛鯀於羽山以變東夷，四臯而天下咸服。堯立七十年得舜，二十年而老，令舜攝行天子之政，薦之於天。堯辟位凡二十八年而崩。百姓悲哀，如喪父母。三年，四方莫舉樂，以思堯。堯知子丹朱之不肖，不足授天下，於是乃權授舜。授舜，則天下得其利而丹朱病；授丹朱，則天下病而丹朱得其利。堯曰：「終不以天下之病而利一人。」而卒授舜以天下。堯崩，三年之喪畢，舜讓辟丹朱於南河之南。諸侯朝覲者不之丹朱而之舜，獄訟者不之丹朱而之舜，謳歌者不謳歌丹朱而謳歌舜。舜曰：「天也。」夫而後之中國，踐天子位焉，是爲帝舜。

虞舜者，名曰重華。重華父曰瞽叟，瞽叟父曰橋牛，橋牛父曰句望，句望父曰敬康，敬康父曰窮蟬，窮蟬父曰帝顓頊，顓頊父曰昌意，以至舜七世矣。自從窮蟬以至帝舜，皆微爲庶人。舜父瞽叟盲，而舜母死，瞽叟更娶妻而生象，象傲。瞽叟愛後妻子，常欲殺舜，舜避逃，及有小過，則受罪。順事父及後母與弟，日以篤謹，匪有懈。舜，冀州之人也。舜耕歷山，漁雷澤，陶河濱，作什器於壽丘，就時於負夏。舜父瞽叟頑，母嚚，弟象傲，皆欲殺舜。舜順適不失子道，兄弟孝慈。欲殺不可得，即求常在側。舜年二十以孝聞，三十而帝堯問可用者，四嶽咸薦虞舜，曰可，於是堯乃以二女妻舜以觀其內，使九男與處以觀其外。舜居媯汭，內行彌謹。堯二女不敢以貴驕事舜親戚，甚有婦道。堯九男皆益篤。舜耕歷山，歷山之人皆讓畔；漁雷澤，雷澤上人皆讓居；陶河濱，河濱器皆不苦窳。一年而所居成聚，二年成邑，三年成都。堯乃賜舜絺衣，與琴，爲築倉廩，予牛羊。瞽叟尚復欲殺之，使舜上塗廩，瞽叟從下縱火焚廩。舜乃以兩笠自扞而下，去，得不死。後瞽叟又使舜穿井，舜穿井爲匿空旁出。舜既入深，瞽叟與象共下土實井，舜從匿空出，去。瞽叟、象喜，以舜爲已死。象曰：「本謀者象。」象與其父母分，於是曰：「舜妻堯二女，與琴，象取之。牛羊倉廩予父母。」象乃止舜宮居，鼓其琴。舜往見之，象鄂不懌，曰：「我思舜正鬱陶。」舜曰：「然，爾其庶矣。」舜復事瞽叟愛弟彌謹。於是堯乃試舜五典百官，皆治。昔高陽氏有才子八人，世得其利，謂之八愷。高辛氏有才子八人，世謂之八元。此十六族者，世濟其美，不

隕其名。至於堯，堯未能舉。舜舉八愷，使主后土，以揆百事，莫不時序。舉八元，使布五教于四方，父義，母慈，兄友，弟恭，子孝，內平外成。昔帝鴻氏有不才子，掩義隱賊，好行凶慝，天下謂之渾沌。少暉氏有不才子，毀信惡忠，崇飾惡言，天下謂之窮奇。顓頊氏有不才子，不可教訓，不知話言，天下謂之檇杌。此三族世憂之。至于堯，堯未能去。縉雲氏有不才子，貪於飲食，冒于貨賄，天下謂之饕餮。天下惡之，比之三凶。舜賓於四門，乃流四凶族，遷于四裔，以御魘魅，於是四門辟，言毋凶人也。舜入于大麓，烈風雷雨不迷，堯乃知舜之足授天下。堯老，使舜攝行天子政，巡狩。舜得與用事二十年，而堯使攝政。攝政八年而堯崩。三年喪畢，讓丹朱，天下歸舜。而禹、皋陶、契、后稷、伯夷、夔、龍、垂、益、彭祖自堯時而皆舉用，未用分職。於是舜乃至於文祖，謀于四嶽，辟四門，明通四方耳目，命十二牧論帝德，行厚德，遠佞人，則蠻夷率服。舜謂四嶽曰：「有能奮庸美堯之事者，使居官相事？」皆曰：「伯禹爲司空，可美帝功。」舜曰：「嗟，然。禹，汝平水土，維是勉哉。」禹拜稽首，讓於稷、契與皋陶。舜曰：「然，往矣。」舜曰：「棄，黎民始饑，汝后稷播時百穀。」舜曰：「契，百姓不親，五品不馴，汝爲司徒，而敬敷五教，在寬。」舜曰：「皋陶，蠻夷猾夏，寇賊姦軌，汝作士，五刑有服，五服三就，五流有度，五度三居，維明能信。」舜曰：「誰能馴予工？」皆曰垂可，於是以垂爲共工。舜曰：「誰能馴予上下草木鳥獸？」皆曰益可，於是以益爲朕虞。益拜稽首，讓于諸臣朱虎、熊羆。舜曰：「往矣，汝諧。」遂以朱

虎、熊羆爲佐。舜曰：「嗟，四嶽，有能典朕三禮？」皆曰伯夷可。舜曰：「嗟，伯夷，以汝爲秩宗，夙夜維敬，直哉維靜潔。」伯夷讓夔、龍。舜曰：「然。以夔爲典樂，教釋子，直而溫，寬而栗，剛而毋虐，簡而毋傲。詩言意，歌長言，聲依詠，律和聲，八音能譜，毋相奪倫，神人以和。」夔曰：「於，予擊石拊石，百獸率舞。」舜曰：「龍，朕畏忌讒說殄僞，振驚朕衆，命汝爲納言，夙夜出入朕命，惟信。」舜曰：「嗟，女二十有二人，敬哉，惟時相天事。」三歲一考功，三考絀陟，遠近衆功咸興，分北三苗。此二十二人，咸成厥功。皋陶爲大理，平，民各伏得其實。伯夷主禮，上下咸讓。垂主工師，百工致功。益主虞，山澤辟。棄主稷，百穀時茂。契主司徒，百姓親和。龍主賔客，遠人至。十二牧行而九州莫敢辟違。唯禹之功爲大，披九山，通九澤，決九河，定九州，各以其職來貢，不失厥宜。方五千里，至于荒服。南撫交趾，北發，西戎，析枝，渠廋，氐，羌，北山戎，發，息慎，東長，鳥夷，四海之內，咸戴帝舜之功。於是禹乃興《九韶》之樂，致異物，鳳皇來翔。天下明德皆自虞帝始。舜年二十以孝聞，年三十堯舉之，年五十攝行天子事，年五十八堯崩，年六十一代堯踐帝位。踐帝位三十九年，南巡狩，崩於蒼梧之野，葬於江南九疑，是爲零陵。舜之踐帝位，載天子旗，往朝父瞽叟，夔夔唯謹，如子道。封弟象爲諸侯。舜子商均亦不肖，舜乃豫薦禹於天。十七年而崩。三年喪畢，禹亦乃讓舜子，如舜讓堯子，諸侯歸之，然后禹踐天子位。堯子丹朱，舜子商均，皆有疆土，以奉先祀。服其服，禮樂如之。以客見天子，天子弗臣，示不

敢專也。自黃帝至舜、禹，皆同姓，而異其國號，以章明德。故黃帝爲有熊，帝顓頊爲高陽，帝嚳爲高辛，帝堯爲陶唐，帝舜爲有虞。帝禹爲夏后而別氏，姓姒氏。契爲商，姓子氏。棄爲周，姓姬氏。

太史公曰：學者多稱五帝，尚矣。然《尚書》獨載堯以來，而百家言黃帝，其文不雅馴，薦紳先生難言之。孔子所傳宰予問《五帝德》及《帝繫姓》，儒者或不傳。余嘗西至空峒，北過涿鹿，東漸於海，南浮江淮矣，至長老皆各往往稱黃帝堯舜之處，風教固殊焉，總之不離古文者近是。予觀《春秋》、《國語》，其發明《五帝德》、《帝繫姓》章矣，顧弟弗深考，其所表見皆不虛。《書》缺有間矣，其軼乃時時見於他說。非好學深思，心知其意，固難爲淺見寡聞道也。余并論次，擇其言尤雅者，故著爲本紀書首。

史記卷二

夏本紀第二

夏禹，名曰文命。禹之父曰鯀，鯀之父曰帝顓頊，顓頊之父曰昌意，昌意之父曰黃帝。禹者，黃帝之玄孫而帝顓頊之孫也。禹之曾大父昌意及父鯀，皆不得在帝位，爲人臣。當帝堯之時，鴻水滔天，浩浩懷山襄陵，下民其憂。堯求能治水者，羣臣四嶽皆曰鯀可。堯

曰：「鯀爲人負命毀族，不可。」四嶽曰：「等之未有賢於鯀者，願帝試之。」於是堯聽四嶽，用鯀治水。九年而水不息，功用不成。於是帝堯乃求人，更得舜。舜登用，攝行天子之政，巡狩，行視鯀之治水無狀，乃殛鯀於羽山以死。天下皆以舜之誅爲是。於是舜舉鯀子禹，而使續鯀之業。堯崩，帝舜問四嶽曰：「有能成美堯之事者使居官？」皆曰：「伯禹爲司空，可成美堯之功。」舜曰：「嗟，然。」命禹：「女平水土，維是勉之。」禹拜稽首，讓於契、后稷、皋陶。舜曰：「女其往視爾事矣。」禹爲人敏給克勤，其惠不違，其仁可親，其言可信，聲爲律，身爲度，稱以出，臬臬穆穆，爲綱爲紀。禹乃遂與益、后稷奉帝命，命諸侯百姓興人徒以傅土，行山表木，定高山大川。禹傷先人父鯀功之不成受誅，乃勞身焦思，居外十三年，過家門不敢入。薄衣食，致孝于鬼神。卑宮室，致費於溝洫。陸行乘車，水行乘船，泥行乘橈，山行乘橧。左準繩，右規矩，載四時，以開九州，通九道，陂九澤，度九山。令益予衆庶稻，可種卑濕。命后稷予衆庶難得之食。食少，調有餘相給，以均諸侯。禹乃行，相地宜所有以貢，及山川之便利。

禹行自冀州始。冀州，既載壺口，治梁及岐。既修太原，至於嶽陽。覃懷致功，至於衡漳。其土白壤。賦上上錯。田中中。常、衛既從，大陸既爲。鳥夷衣服。夾右碣石，入于海。

濟、河維沅州，九河既道，雷夏既澤，雍、沮會同，桑土既蠶，於是民得下丘居土。其土